

VOLUME 02 | NO. 05

MAY 2020

SIAMSIN

JOURNAL

a paite students' monthly



EDITORIAL BOARD

CONTENTS

Editor
Gin Lalsiam Munsong

Joint Editor
Nengzalian Tonsing

Production Manager
Thangzamang Ngaihte

Circulation Manager
Chinzabiak

Design & Setting
By the Editor

**Thusuah Ding
Piakna**

Editor
SIAMSIN JOURNAL
SSPP Complex
Siloam Veng
Bungmual, Lamka
Churachandpur
Manipur, PIN 795006

Mob:
7627919517

Email:
ssppghq@gmail.com

THUSUAHTU IN AMAH
THUSUAH A MOHPAW DING

LAKMAN
Bukhat ₹30.00
Kumkhat ₹350.00
Dak ah ₹400.00

EDITORIAL 03

LAI GELHDAN TANGPI 04

SIAMSINNA LEH SEPNA ZONNA A MABAN... 07

PAITE GRAMMER & COMPOSITION 20

REPORT:

SIAMSIN HOSTEL IN MASAWN ZEL 25

CURRENT AFFAIRS(MCQ-7) 25

Guest Editorial.....

INNTEK NANG MAH

By: Chinzapau Ngaihte@ keiminpau ngaihte

Inntek chih thumal in ei Paite mite lak ah poimohna lianpi nei hi. Innsung ki-vaihawmna hoihtak Inndongta neite i hihman un, Inntek omlou in inndongta om theilou himhim hi. Inndongta i chihte mivantangte tunga pau ding, tha-le-

zung seng ding leh inntekpa guma anuam-ahaksa a pang ding mi muan-huai kitengkhe tuamte ahi ua, tuate *Inntate* kichi hi. *Innta* ahihna uh, a tanmun uleh a mohpuakna chiat uh (genthoh leh septhoh ah) ahon sep buching Chiang un Inntekte' vai loh-ching theipan hi. Thil khatpeuh, kipawlina khatpeuh, vai khatpeuh ah '*inntek pan*' deuh a omlouhna ah bangmah kuitung ngeilou hi. Tuabang a pang, kalsang tawite ziaka i Pawlpi leh i Nampi kalsuanna leng khawllou a hiaitan paizom thei ahi chile'ng kikhial lawmlawm lou ding hi.

Inntekte mohpuak i genchiang innsung kivaipuakna, ta-le-nau kepna, nektak zonna, innten-louten, singlam-tuilam, um-le-bel, silh-le-ten, innsak-innkhang kal, tanau kal kizopna kepbitna chihte ahi deuh hi.

Innsung' adi'a poimoh thil a omlou, a kisamte peuhmah ngaihtuah a, a om-sate kepbit a khantouhsak ding, pungbehsak dingte Inntek mohpuakna ahi. I taksa kahiang tuamtuamte en le hang, innteklou a awlpan ding tuam omlou uhi. Muhtheih pumpi chidam ahihna ding in muhphaklough a sun-le-zan a khawllou a sem i gilsung ah kahiang tampi om hi. Muhdan a chidamtak mahbang a atak a sunglam china, chisevei tak a omthei taksa pumpi kinei ahihman in, aneitu, a kemtu in tua kahiang tuamtuamte kituaktak a adamna ding uh ngaihpoimoh ding kizam hi. Tua ding in ei hon susethei i nektah hiam, dawnthoh hiam, sepkiak thoh (physical exercise) ah kidek a ngaihna om dinga, alehnam ah i damzawkna ding in banglam hiam hih behlap ding leng om ding hi. Mihai

loungeal in mahni taksa siatna ding hihlou ding ahihman in, pumpi chid-am neihna di'n taksa kahiayang tuamtuum, inntek teng a chidam vek uh poimoh hi. Tua tuh mihingte damsawtna leng ahi hi.

Huaiziak in, tua i gen tengteng taksa pumpi leh innsung kia ah hilou in, Saptuam leh khotang pawlpi khat-peuh ah Inntek hihna zatttheih vek hi. Tuat tung ah i **minam** hihna ah Inntek hihna nei chiat ihihman in, i hihna kembit ding, tawisang ding tuh kuadang hilou in **INTEK** a pang

NANG MAH na hi. Inntekpa hiam innteknu kuamah in mahni inn phelsia a, a siatna ding a nnasemlou ahihman in, i inn leh i innsung vai asia a mi hon chiamteh ding ahihke'h ahoih a mi hon theihna ding tuh innkuan khat, tua innsung a khosa inntekte' mohpuak ahi vek hi. Tuabang a inn phelsia hilou a, asiatna bawlhoih, huandai um ngaihna mun a um, innkongtual hah hun a hah, ahoihlou hong khakleh delhkhia a i inn humbit a, inntek i hihna toh kalsang tawi ding in Siamsin momnoute kisa ni hang.

Lai Gelhdan Tangpi

Dr. Tualchin Neihisial ©PLS, Chapellane, Hiangtam Lamka

-(sutzopna)-

b. Nungbelh [suffix]:

- i) **Verb** leh **adjective** 'dawn (baan) a thumal belh [behlap] pawl khat – **pih, sak, san, kha, khia, lum sia, vui, paai, mai, gawp, kham, nen, pheh, phih** leh adangdang ah a verb hiam adjective hiam toh gelhmat ngeingei diing ahi hi.

Etsakna: sihpih, thuumpih, damask, paisak, neeksan, pawtsan, paikhia, samkhia, sathka, siikkhial, kaplum, kaaplum, gensia, gawigawp, balnen, muukpheh, cilphih, gawivui, leh addg.

- ii) **Lapau** [lakam] a “Bang” leh thumal [kammal] dang peuhmah a zungpi

toh gelhmat diing ahi hi. Lapau [poetry] leh thumal a “**bang**” leh tua “**bang**” cih kammal in a zuih thumal dangte hal louh a gelhmat diing ahi hi:

- **bang:** *albang, anbang, bu-anbang, ciaubang, daibang, guulbang, haibang, kilbang, lawibang, mawngbang, meibang, ngabang, nibang, sabang, suulbang, tembang, uumbang, vabang, vaibang, zubang, hambang, mang-bang, suumbang, sumbang, tuibang* leh adangdang.

[Mimbang pianna, ngabang leenna, sabang tatna, gua-bang hinna lawibang thang, sialbang lian, [gam] sing-bang saang, mawngbang kikawi, [sam] gibang khen, hambang huai, heisabang paal, addg].

- **bawl:** *baihrawl, cihrawl, ciilrawl, dambrawl, gaw-tbrawl, haibrawl, hutbrawl, ipbrawl, koubrawl, koubrawl, maakbrawl, kheembrawl, lauhrawl, lehbrawl, litbrawl,*

ngaihrawl, nuakbrawl, siat-brawl, simbrawl, theihrawl, thaangbrawl, tawpbrawl, thupibrawl, huatbrawl, ut-brawl, zuaubrawl, zumbrawl leh adangdang.

- **cih/cin:** *gamcih/ gamchin, khocih/ khocin, luicih/ luicin, micih/ micin, muncih/ muncin, namcih/namcin, paucih/ paucin, pawlcih/ pawlcin, sacih/ sacin* leh addg.
- **dan/zia:** *bawldan/ bawlzia, ciindan/ ciinzia, dondan/ donzia, etdan/ etzia, goldan/ golzia, haidan/ haizia, khoheidan/ khoheizia, itdan/ itzia, hindan/ hinzia, khandan/ khanzia, mawldan/ mawlzia, muhdan/ muhzia, nihdan/ nuhizia, omdan/ omzia, paidan/ paizia, tat-dan/ tatzia. Tawndan/ taw-nzia, tutdan/ tutzia* leh adangdang. [**hi**ai a **nungbelh ‘dan’ pen leh “daan”** (zuih diing) **daan** thupiak toh kibang lou hi.]
- **huai:** *dahhuai, enhuai, hai-*

huai, ithuai, lauhuai,
lawphuai, muanhuai,
ngaihhuai, pahtaakhuai,
zumhuai, suphuai, pilhuai,
kipahhuai

- **kha:** baakkha, ciamkha,
dalkha, delhkha, enkha,
genkha, itkha, khialkha,
mukha, lawngkha, palkha,
suikha, tehkha, telkha,
teelkha leh adangdang.
- **khia:** dengkhia, domkhia,
dongkhia, genkhia,
gelhkhia, nuikhia, kapkhia,
paikhia, paukhia, kuankhia,
sakhia, samkhia, satkhia,
pulhkhia, kaikhia, khaikhia,
zuutkhia, hongkhia leh
adangdang
- **khial:** awnkhial, bawlkhial,
bohkhial, cikhial, ciilkhial,
delhkhial, dengkhial,
dohkhial, enkhial, gelhkhial,
gelkhial, geelkhial, laam-
khial, lamkhial, mukhial,
nekhial, paukhial, pikhial,
semkhial, sakhial, samkhial,
satkhial, simkhial, sinkhial,
theikhial, thohkhial, tukhial,
vaatkhial, zemkhial, zuikhial
leh adangdang

- **lam:** dailam, gollam, giit-
louhlam, hailam, hauhlam,
hoihlam, kiamlam, lawplam,
manlam, masawnlam, no-
plam, hauhlam, picinlam,
pillam, siatlam, zawnlam
- **sa:** beisa, etsa, hoihsa, pil-
sa, mohsa, vulsa, siamsa,
zawngsa leh adangdang
- **tan:** bottan, dawttan,
kaaptan, kwaitan, siiktan,
vialtan, paltan, meektan,
huaitan, hualtan, siiktan,
zumhtan leh adangdang
- **vai:** behvai, buaivai, daivai,
ciilvai, haivai, hauhvai, nau-
panvai, phungvai, pilvai,
siatna.

Etsakna:

- a) Al bang mang kuan [khial]
Albang mang kuan [dik]
- b) Sawm sial bang lian e [khial]
Sawm sialbang lian e [dik]
- c) Tu a mawng bang ki kawii,
zing ciang sam bang khenta
diing aw [khial]
Tu a mawngbang kikawii,
ziingchiang sambaing
khenta diing aw [dik]
- d) Tuan a pu pa ma bang pat

- sa [khial]
 Tuan a pupa mabang patsa
 [dik]
- e) Laam sai tawng e, gual aw e
 e [khial]
Laamsai tawng e, gual aw e
 [dik]
- f) I sai thei lian lian nam aw
 [khial]
 I sai thei lianlian na'm aw
 [dik]
- g) Buaina teng toh ka pawt san
 diing [khial]
 Buaina tengteng ka pawtsan
 diing [dik]
- h) Minthang khuapi Suang-
 mantam khua [khial]
 Minthang khopi suang-
- mantam khua [dik]
- i) Tuunsung khat pan piang hi
ngei ngei hang e [khial]
Tuun khat sung pan piang
hi ngeingei hang e [dik]
- j) Gehen dougaal sisan vaang
 a I zawh hun ciang, phiit
 leh sawnkai toh ai diing
gaal zoh ni [khial]
Sisan vaang a Gehan
dougaal I zoh hun cian
 phiit leh sawnkai toh ai
 diing gaalzoh ni [dik]
- k) Jesu nau bang I pom ciang
 in... [khial]
 Jesu paaibang I pom ciang
 in... [dik]

-(sutzop ding)-

SIAM SINNA LEH SEPNA ZONNA A MABAN PAIZIA
 DING CHITUAM DEUH A KILAMLAHNA
 (CAREER GUIDANCE WITH DIFFERENT APPROACH)

T.LIANCHINPAU, MA, PGDPM&IR,
 Vice Principal, Rayburn College.

-(Sutzopna)-

B. DOCTOR - LOHCHINGTAK HIHNANG A MIZIA & CHITNA POIMOH
TUAMTUAMTE:-

1. Mi kamsiam & am.
2. Damloute lungsim putzia leh haksatna theisiam.
3. Mihing hinkhua zahtaak & manphat dan theisiam.
4. Midangte panpih utna lungsim nei.
5. Mi upapen apat naupangpen tan houpih siam & ngaina.

6. Hehpihna hau & a nna a kipumpiak (24hours on duty dia kiman gige).
7. Etmai a leng midangte haksatna leh poimoh hisapthei.
8. Mihing taksa kisiam dan leh guh-le-tang lam a lunglutna liantak nei leh
9. Sawtpipi practical room a om peih .

Damdoi lam (Medical courses):

1. MBBS (Bachelor of Medicine & Surgery) kum - 5 ½
 2. Nursing
 - (i) ANM(Auxiliary Nursing & Midwifery)kum - 1 ½
 - (ii) GNM(General Nursing & Midwifery)kum-3 ½
 - (iii) B.Sc. Nursing kum- 4
- * Atung ate in-tern a asepsung uh huamtel vek ahi.
3. Pharmacy
 - (i) D. Pharm.(Diploma in Pharmacy) kum - 2
 - (ii) B. Pharm.(Bachelor of Pharmacy) kum - 4

Chitna : XII Sc. ah **PCB** (Physics, Chemistry, Biology) subject lak leh pass teitei ngai hi.

DOCTOR/NURSE ZOUSATE SEPNA ZONTHEIH-TE:

- 1) CMS(Combined Medical Services) of India.
- 2) Medical Corps in the Armed Forces.
- 3) Medical Services of the States.
- 4) NGO tuamtuam-te lak ah.
- 5) Private practitioners.

Class XII zoh a Medical College tuamtuam a MBBS /Nursing ziltheihna mun khenkhatte:

- 1) RIMS, Imphal
- 2) NEIGRIHMS, Shillong-website: neigrihms.nic.in
- 3) AIIMS, New Delhi - website: aiimsexams.org
- 4) Vellore Christian Medical College (VCMC), Vellore - website: homecmcvellore.oc.in
- 5) AFMC (Armed Forces Medical College), Pune.- website: afmc.nic.in

Lut theihngang lampi : National Eligibility & Entrance Test(NEET) a Rank & mark muh dan a zil in MBBS seat hawm ahi ding.

C. TELSUINA SUBJECT (PURE SCIENCE) ZILDIA CHITNA & MIZIA POIMOH KHENKHAT-TE :

- 1 . Thil chiamteh thei & thil ahidan manbaih.

2. Practical room a sawtpipi om peih/ding peih.
3. Lai sawtpipi simpeih/kuhkal.
4. Thil bawlhthak & Etkhiak zelzel peih.

B. Sc.(Honors): Kum-3(Semester-6) ahihkeileh D.U ah 2013 apat Kum-4 (Sem.-8)sin hita.

Courses: 1) Statistics 2) Electronics

- 3) Bio-Technology 4) Botany
- 5) Environmental Science
- 6) Mathematics 7) Geology
- 8) Computer Science
- 9) Physics 10) Chemistry etc.

D. LAWYER - LOHCHINGTAK

HIHNANG A MIZIA & CHITNA POIMOH TUAMTUAMTE:-

1. Thil a hoihna leh hoihlouhna bukkak siam.
2. Thil hoihtak a sui detdet thei.
3. Thu haksu & thubuai saifel siam.
4. Thil agal apat aleng enchian thei.
5. Thil kizawmdan & paidan theisi-am.
6. Pianken leh awsuak a sithu-ailou.

L.L.B - COURSE PAIDAN :-

1. LLB: Kum - 5 zilte

Chitna: Class -XII subject khat-peuh a zousa,

zil theihna:National Law school (www.nls.ac.in)

2. LLB: Kum-3 (Semesters-6)zilte.

Chitna: Subject khatpeuh a Graduate zousa.

Ziltheihna: India a University tu-
amtuum-te ah

L.L.B. zousate septheihna munte :-

1. State Judicial Services.
2. High Court Judges
3. Supreme Court Judges.
4. Lawyer in Private Firms & Corporate sectors.

E. COURSE DANG ZILTIEH TU-

AMTUAMTE:

1. B.Com(H)/General kum - 3 (semesters— 6) zil.

Subjects : - Accountancy, Mathematics, Business studies, Economics, Income tax, Commercial laws, Insurance etc.

Chitna: XII Sc/Com. sub. a zousate.

2. **B.A (H)/General :** kum - 3 (semesters - 6).

Subjects: Journalism, Fashion Designing, Fine Art, History,

Geography, etc.

Chitna: XII Arts/Sc./Com. a zousate.

3. **B.B.A** (Bachelor of Business Administration) : kum-3(Sem.-6) zil.
4. **B.S.W** (Bachelor of Social Work) : kum - 3(Semesters - 6) zil.
5. **B.P.Ed.**(Bachelor of Physical Education) : kum 3(Semester-6) zil
6. **C.A**(Chatered Accountancy) : kum- 5 zil.
7. **C.F.A**(Chatered Financial Analysis) : kum- 5 zil.
8. **C.S** (Company Secretary): kum-5 zil.

Chitna:XII Arts/Sc./Com.a zousate.

Hiai atung a sl.no.1-7te zil na sawm leh Sappau – agelh & apau na siam ngeingei ding ahi.

F. RESEARCH SCHOLARS: RE-SEARCH SCHOLAR MINTHANG LEH LOHCHING HIHNANG A CHITNA & MIZIA POIMOHTTE :-

1. Thil kanchian peih
2. Thil mahni a kizil peih
3. Thil sui detdet leh hisap detdet

thei

4. Point hoihtaktak pansan a Kisel (debate) siam
5. Thu vuiching (essay) gelhsiam
6. Mahni ngaihndan chianguang tak a genkhia thei leh gelkhia thei
7. Thu muh leh thu zakte (Information) kaikhawm siam
8. Thil a chituumdeuh a hihkhia thei
9. Haksatna leh buaina neihte mahni a hihvaiveng thei

**Hiai atung a igente na mizia ahieh leh anuai a ki taklang Scholarshipte muzou dia laisim leh huaidia examna-te a na lohchin ngeingei nanga pan na lakpah ahoih ding hi.*

- (i) **JUNIOR RESEARCH FELLOWSHIP (JRF) SCHOLARSHIP;** @ Rs.18000/- P.M., M.Phil apat P.hD zohtan a hiai scholarship muh ding ahi (result a hoih zawm-leh)

Chitna : Master Degree a aniampen a 50 % aggregate marks muh ngai.

Alampi : U.G.C. JRF leh NET Examination tungtawn a muh ding ahi.

- (ii) **RAJIV GANDHI SCHOLARSHIP**

FOR – S.T/S.C. RESEARCH STUDENTS; @ Rs.16000/-P.M. M.Phil apat P.hD zohtan hiai scholarship muh ding ahi (result a hoihzawm leh).

Chitna : Master Degree a aniampen a 50 % aggregate marks muh ngai.

G. BUREAUCRAT/ ADMINISTRATOR (i.e. I.P.S, I.A.S, M.C.S, M.P.S etc) LOHCHING HIH NANG A MIZIA & CHITNA POIMOHTE :-

1. File leh lai tuamtuam nguntak a enkai peih
2. Number leh data velchian detdet peih
3. Dan-le-dun leh hihhna (instruction) akip-akoi a zuipeih
4. Makaih siam leh midang hilhsawn siam
5. Tup-le-ngim kichian nei a plan leh policy bawlsiam .
6. Thil poimoh leh poimohlou khi khe siam
7. Thudik leh muhlokna (vision) pansan a hangsantak a thupukna bawlngam
8. Ahun leh amun zila thutanna/ thupukna bawlsiam

**Hiai atung a igente na mizia ahih leh anuai a exam theih ki taklangte exam leh huaita a na lohchin ngeingei nanga pan na lakpah a hoih ding hi.*

CLASS XII ZOH A GOVT. A SEPNA ZONTHEIHTE :-

I. UPSC - Website:upsc.gov.in

1. **NDA (National Defense Academy).**

Chitna: (i) XII (Sc)zoute - Air force, Navy, Army & (ii) XII (Arts)zoute - Army.

2. **SCRA(Special Class Railways Apprentice Examination).**

Chitna: XII (Sc) zoute.

II. SSC - Combined Hr.Sec.Level Exam.-For LDC post ([website: ssc.nic.in](http://ssc.nic.in)) .

Chitna: Subject khatpeuh a XII zoute.

III. Railways - Clerical Examination

Chitna: Subject khatpeuh a XII zoute.

GRADUATE ZOH A GOVT. A SEPNA ZONTHEIHTE:-

I . UPSC(Union Public Services Commission) - Website:upsc.gov.in

1. **C.S (Civil Services Examination)** – for IAS,IPS,IFS,IRS etc

Chitna: Subject khatpeuh a Graduate zousa..

2. **C.A.P.F - A.C.(Assistant Com-**

mandant) -in CRPF,BSF & ITBP ah.

Chitna: Subject khatpeuh a Graduate zousa.

3. **C.D.S** –(Combined Defense Services Examination) for Commissioned Officer

Chitna: Air Force & Navy adin – Science subject a Graduate/Engineering zousa,

Chitna: Army adin – Subject khatpeuh a Graduate zousa.

4. **IES**(Indian Engineering services) –in Central Govt e.g. Indian Railways, CPWD etc.

Chitna : Graduate in Engineering/Engineering zousa.

5. **IES**(Indian Economic Services/ Indian Statistic Services)- in Ministry of finance

Chitna : MA.(Economic)/M.Sc (Statistics) zousa.

6. **IFS**(Indian Forest Services) – Deptt. of forest

Chitna :- Engineering /B.Sc (Botany/Environmental science) zousa.

- II. **SSC(Staff Selection Commission)** – website: ssc.nic.in

Combined Graduate Level Examination. – (Central Secretariat a Asst. Grade, Custom/CBI Inspector, Custom Appriser, Junior Auditor, Tax Asst. & adangdang adin).

Chitna: Subject khatpeuh a Graduate zousa.

- III. **MPSC (Minipur Public Services Commission)** – MCS,MPS,SDC,MFS,MSS & etc.

*MCS (Manipur Civil Services) te IAS a promotion mu thei uh.

*MPS (Manipur Police Services) te IPS a promotion mu thei uh.

Chitna: Subject khatpeuh a Graduate zousa.

- IV. **Railways(RRB=Railway Recruitment Board)** – Examination for Grade-I, Section Officer, Ticket Collector, Goods guard etc.

Chitna: Subject khatpeuh a Graduate zousa.

- V. **BANK P.O(PROBATIONARY OFFICER): IBPS saina a Common examna a mark**

Muhdan / Rank tungtawn in.

Chitna: Subject khatpeuh a Graduate zousa.

- VI. **Grade-B in RBI/NABARD** :

Chitna: Subject khatpeuh a Graduate a 50 % tunglam/Master Degree

- VII. **ACIO-II in Intelligence Bureau**

(IB):

Chitna: Subject khatpeuh a Graduate zousa.

(H).ENTREPRENEUR(SUM DAWNG LIAN) LOHCHING LEH LAMZANG HIHNANG A CHITNA LEH MIZIA POIMOHTTE:

1. Thupukna bawlsiam
2. Midangte thuzoh theihna nei leh amah deihdan a midang kuun (persuade) zou
3. Akul leh poimoh banga hangsan-tak a thupukna la ngam
4. Mohpuakna len ngam leh mohpuakna la ngam
5. Tunung hun a kikhekna hong om dingingte mukhol thei leh hisap kholthei.
6. Thilthak pawsuah ngam leh pankhe ngam
7. Zaidamtak a thil haksa leh thu haksa-te hihvaiveng thei(able to solve difficult problems with ease)
Midangte makaihthei leh amah leng makaihtheih a om

* ***Hiai atung-ate na mizia ahiehleh, tununga Zomite Bill Gates/ Mukesh Ambani ding hikhathei na hi. Sumdawngna toh kisai subject-te ah kitathiam inla, na career panbaih in. Siamna (Education) lamah chitna bikhiah mong a omkei, nanga***

kimuan ngamna hon pethei chiang ahun lel ahi.

(H) SPORTS PERSON LOHCHING LEH LAMZANG HIHNANG A CHITNA LEH MIZIA POIMOHTTE:

1. Mahni kimuan ngamna
2. Thathou gige leh lunglutna beitheilou
5. Mahni kithununna hoihtaknei
6. Ahoihlam kipia gige leh lametna thak neithei
7. Lungkiakna leh buaina palmualsuah ngap
8. Thildang bangmah sukbuai zohlouh
9. Sihngam hiala pan ngamna
10. Taksa leh lungsim a kithazoh

Tunin na-

(Lunglutna/Interest – Thil ihih chianga nuam isakte tuh ilunglutna ahi).

(Siamtheih/Aptitude tuh - Thil ihih theihzaat/ isiamtheihthe, chihna ahi).

Nang-le-nang ki enchian inla na LUNGLUTna & na SIAMTHEIH/ HIHTHEIH na dungjui in ;

1st Na damsung a na sepding telkhia in (e.g.Dan leh thupiaki enkaitu **Police** a pang ding)

2nd Tup kichiantak nei in (e.g.Police ah leng a saplian

I.P.S. officer apang ding)

3rd Kuhkal takin pang ngitnget leteh Pathian zarin lohchinna leh lamzanna na ngah ding hi.

(e.g. Huaiziakin, **tuni apat atawm pen in nikhat in dakkal 8 sung lai kasim gige tading**)

III. HINKHUA A LOHCHING NANGA TUA PANLAK PAH DINGDAN:

1. **Laisiamna, Theihna leh Pilna kuaman ahon guksak theihlough uh Gou manpha penpen ahi:** Huaiziakin, theihtam leh simtam sawm ding ahi.
2. **Mahni a tupna leh deihna taktak toh Laisim ding ahi:** Nu-le-Pa te sawl hatthu leh Teacher-te home work piakziak kia hilou in, en tupna leh deihna toh laisim gige ding ahi.
3. **Nang mah mimal Laisim hun lepna(Personal Time-table) kibawl inl:** Ahithei tan in huai zuih sawm in. Sawtpi tupeih lou mi na hihleh minute 45 zohchia minute 5 khong break neihcheuh ding, chihdan in time table bawl in.
4. **Saptuam leh Khotang ah kihel hundi tan khensiam in:** e.g. Class-XII pass ma

Lapawl zilna leh khohar in lengkhawm a hoh nailouh di or nikhat a dakkat 5 beek laisim di natup ahih leh, lapawl zir zohphet inlam a paipah a laisim patpah ding na mohpuak ahi.

5. **Tua maban exam nanga na mark muh tup(na duhthusam) percentage (short term goal) leh na hinkhua a na tup(Aim in Life - long term goal) laipuan ah Lianpi in gelkhia inla, na laisimna table kiangah tak in:** Laisim dia na kipat hun leh natawp hun tengin hiai point nih gel agingin simkhia gige inla, na thumna ah leng phok gige in.
6. **Exam nang naichik ahichiang in Subject teng na hun piakdan kibang sak in.** Subject nuam deuh MIL leh English simngailou chimok lou in, hoihtak in simle teh na aggregate percent naktak in ahon domsang dia Division sangtak a zohtheih nang chance na neiding hi.
7. **Maban siamsinna leh Sepna Zonna ah Mark percentage sang apoimoh pen ahi.** Academic record hoihte mah adingin kong akihong zazaw hi, hun tomchik na

neih amanpha theipen in zangin. Tununga Subject na utut na lakzoh nang leh College hoih pena admission na muhzoh nangin na percentage mah apoimoh pen ahi. Exam hun a serious lou, result hongsuah hialleh areh! Hichih dilam theileng hiai sanga ana hahpan zaw ding hi inga, chih kha mi thadahte kampau ahi.

8. **Exam ma leh exam hun in damtheihna leh nek-le-dawn ah kikepsiam apoimoh hi.** Sung sesak theite neklouh deuh, ihmud khamlouh huat chihthe pilvang tuak mahmah ahi.
9. **Subject khat hihhoihlouh ziak a kingaisia leh adangte simpeihlou, chihthe omsak hetlouh ding ahi.** Board exam khatpeuh ah a result leh mark muh dan a khen chiangin genkhol theihlouh (not predictable) ahi. I kimuan leh hihhoih ikisak pen banga mark tawmchik muhtheih leh hihhoihlouh iksak pen banga mark tapi muh theih thethup ahi. Huaiziakin, na exam zohsate a na performance manghilh inla maban a examding na neihlaite ah na

lungsim teng piazaw in.

IV. KUHKALNA TOH KISAI A MI ETTON THAM CHINGTE.

1. **Thomas Alva Edition(1847-1931): Electric bulb mukhiatu leh khovel kheng danglam zou mihing khat ahi.**
 - Adam sung a kha -3 sungleh skul kaikha
 - Kum 13 aphaka Science Lab. Sepna nei
 - Thumal(word) khat agen diknanga dakkal 18-20 zangbei
 - Electric bulb bawlkiak nanga experiment 6000 vei bawlpeih
 - Aneulai a a skul kaina skul a Teacher in "Na tapa Laisim di'n ahailua" chih apuannak tunga gelh a apaikik sak uh ahi. Huaiziak in, Anun inn ah lai hilh a hiai tan hong tung ahi.
2. **H.Chinkhenthang, IAS retrd: Inkuan dinmun niam leh kho-sak haksapi apat tupguhna leh kuhkalna ziaka hiaitan hongtung ahi.**
 - Sepaih a draughtsman sem masa
 - Huaizoh Police a ASI sem nawn
 - Guwahati a IAS coaching akai

lai in Bedding pualou: Alawnten nuihsan leh chiam-nuih bawl uh, aman *"KEI HIAI MUNA IHMU DIA HONGPAI HILOU, LAISIMDIA HONGPAI KA HI"* chi liuliau.

3. Amstrong Pame, IAS Officer: Gentheihna, Vual enna leh Haksatna tapi apal mualsuah nunga hiai tan hongtung ahi.

- Shillong a College a kai lai a nikhat a an nihvei nezoulou a a omni tam.
- Delhi ah IAS coaching kaidia a om hun in inn sawng tungnung pen, mi luah ut-louhna leh aman tawm napen ah 5th Floor luah a 45 degree celcius kholum thuk a ngap hi.
- *KA LOH ATAM HUN MAH-MAH A NEKGUK POIMOH KASA KEI*, chi liuliau mi
- Tu in ka lunglut na bangin khovel gam tuamtuam zin theihna opportunity kanei a, further study ah leng Harvard University khong ah Govt. Scholarship enjoy a paithei dinmun aka hi.
- Students have only two choice before you:
 1. Suffer a little bit now and enjoy the rest of your life "or"

2. Enjoy now and suffer the rest of your life

4. Rothanglen Hmar(IAS ki resign a Missionary nasem) - M.Sc, LLB: A skul kailai in mombati leizoulou ua, bawngthau mekkhom a mombati dia bawl in, ahongkuan a asatluat chiah tuisuak in, mekkhawmzel a, a tuisuak-nawn matan laisim zel hi. Hichihtuk khop a lai lunglut leh tunguh mi ahi.

- 1966 IRS mu, Nagpur a a training lai a piangthak
- 1968 A IAS MU, BANGTAN HIAM A SEPUNGA KITAWP, KARBI ANGLONG A MISSIONARY NASEM (AZI LENG NAGALAND STATE MEDICAL SERVICE APAT KITAWP AHI), mi 5 toh Saptuam phutkhia, tua Satuam 40 val phuhta uh.
- March 30, 1980 in singtang ah Biak inn thak hongdia zin uh, akik nang bus bahara di neilou; Saptuam ten Rs. 5/- pia, bus ticket Rs. 3/- man, aval Rs. 2/- Saptuamte pekik.

5. Haulianlal Guite, IAS All India a 33rd Rank :

- *NU-LE-PATE THUMANNA A IAS GELH CHING AHI* (Amah Ph.D ngah a, philos-

opher minthang hih ut ahi, USA a University khat in alaibu gelh en a, scholarship piaka amau kianga zildia asap uh ahi)

- Inkua nuamsa, Nu-le-Pa Doctor himahle uh, hiaitan loh-chinna angah nangin haksat-na palmualsuaah ding anei veve uhi.
- Written exam agelh la in kal 2 khong sungkhoh leh damlou-hna nasatak atuak, drip khaingai, himahleh "He never give up"

6. Ginmuan Ngaihte, MCS:

- Engineering Degree zou, Bangalore a Public sector Company a sem kawm a agelh ching ahi.
- Alai sim dan – GS/CURRENT AFFAIRS PUBLIC TRANSPORT A TAUNGKAWM A ASIM AHI (MOBILE OR INTERNET ZANG PHATUAM MAHMAH MI AHI).

7. MICHAEL FRED PHELPS-II

"The Baltimore Bullet" or "Flying Fish" chih a om ahi :

Tu Century adia tuileuh siama minthang penpen leh World record tampi breaktu ahi.

- Aneulai in a skul kaina ah ommoh lua mahmah a, phi-

atvelvul gige hi. Huai ban ah, **(ADHD:Attention Deficit Hyperactivity Disorder)**

ziakin a Teacher nu un a Nu kiangah, na tapa skul ah abuaihuailua, tawpsak mai in, achih ualeh a Nu Deborah Sue in keile teacher khat ka hi a, ka tapa ah lametna ka neilai, chance honpia lai un, achih ahi.

- (30th June 1985 in pianga, kum 7 aphak in tuileuh kisin pan hi. Ataksa pianzia –a pum sau, a awmlian, a tawbou thep, a ban sau a khut nih azanchia 6ft 7 inc. pha, akhelam tom, a khepek lian, a gikna-88 kg, adin san-6ft 4 inc.)
- Huchiin a coach Bob Bowman toh hong kimu kha uhi. Kum 10 ahih in 100mtrs butterfly ah National Record angah hi.
- Kum 2000 a Sydney Olympic Games atel patna hun ah kum 15 lel a upa ahi.
- 2004: Athens = 8 Medals (G-6, B-2)
- 2008: Beijing = 8 Medals (G-8)

- 2012: London = 6 Medals (G-4, S-2)
- 2016: Rio = 6 Medals (G-5, S-1)
- 28 Olympic Medals (23 Gold, 3 Silver, 2 Bronze)
- World record Holder in 100mtrs Butterfly, 200mtrs Butterfly, 400mtrs Medley.
- 2008 Beijing Olympic-8 Gold medals(Mark Spitz's 1972 record of 7 medals)
- Trained for 364 days in a year (off only on Khristmas), 10Km & 2hrs 30Mins in a day.
- *Swimming is normal to me. I'm relaxed. I'm comfortable and I know my surroundings. It's my home.*

If you want to be the best, you have to do things that other people aren't willing to do.

Thukhupna:

1. *Tua student life tomchik sung a nuamsatak om a, maban hun sawtzaw haksa thuak*

or

Tua student life a haksa nengchik thuak (kulkal

taka laisim) a, na maban ua hunsawt zaw nopsak, koi natel utzaw ua ?

2. *Lohchinna sangtak (thupitak)ngah nangin kuhkalna mah a poimoh masa ahi.*
3. *Hinkhua a tup kichiantak neih leh huai theihchet a, huaidelh a pang kinken.*
4. *I hihna khatpeuh ah, Chitakna leh Diktatana masuan a neih gige ding ahi.*
5. *Nu-le-Pate apat; thupha, nungthuapna, hanthonna leh vualzawlina lou in lohchinna kuitung om theilou hi.*
6. *Sansakna leh Lohchina Toupa a ahi. Toupa tellou in Lohchina zong lopsapna hi a, Toupa deihna khel a hinkhua zat in tunung ihinkhua ah kisikna lianpi a hon-tun ngeinegi ding hi.*
7. *Tu ahunlai in bawlphe thakni, panla thakni, laizil hun leh kisin theih hun pen akikkel thei leh zekailua, chih om thei thil ahi.*

Evaluate yourself and make a choice of your future job/career

Comfortable with (Nopsak lam/Veilam)	Subject of Interest (Lunglutna subject)	Proficiency/Suitable career (Tempai nang line)
PEOPLE (Mihing toh kisaite a lunglut, midangte awlmoh leh vei)	Debate, Speech, Recitation, English, Language, Essay, Social Science, Law, Morality, Social Activities	Social workers/ Politicians/ Missionaries/ Teachers/etc
DATA + PEOPLE (Fiugure/thil phazah gelhkhawmna + Mihing toh kisaite a lunglut, midangte awlmoh leh vei)	Maths, Economics, Commerce, Language, Accountancy,	Entrepreneurs/Bankers/ Managers/Industrialist/ Businessman/etc
PEOPLE + IDEAS (Mihing toh kisaite a lunglut, midangte awlmoh leh vei + Thil ngaituah leh sut detdet, thilthak zongpeih)	Drama, Cursive writing, Painting, Graphic, Talent search, Prose & Poetry, Language, Dialogue	Creative/Designer/ Actors/ Novelist/Writers/etc
THINGS (Thil leh vanzat chituamtuamte)	Maths, Physics, Chemistry, Drawing, Project work, Practical classes, Physical Education, Sport	Practical related work; Engineering/Pilot, Technician/Chef/ Manufacturer/Sport person/etc
DATA + THINGS (Fiugure/thil phazah gelhkhawmna + Thil leh vanzat chituamtuamte)	General Knowledge, Drafting, Planning, Communication, Maths, English, Management, Psychology	Administrators/ Bureaucrats/ Principal/Supervisory role/etc
IDEAS + THINGS (Thil ngaituah leh sut detdet, thilthak zongpeih + Thil leh vanzat chituamtuamte)	General knowledge, Maths, History, Philosophy, Statistics, Essay, Language, Science	Intellectuals/Research Scholars/Scientist/etc

Laibu et leh pansante:

- 1) Against all Odds (An Autobiography) of H.Chinkhenthang, IAS (Retd).
- 2) Mangpha lawhsapna Zingpha lawhchinna by : Rev. Dr. Punzathang Tombing.
- 3) Career Assistant Plan, Exodus-PTL, Ukhrul.
- 4) Ruth Messenger(Zokam), Khanih a khatvei suak, Lamka, Manipur.
- 5) Personal Interaction Organized by SSPP GHQ, Lamka, Manipur.
- 6) Paite Laiiangthou, B.S.I. version.
- 7) Employment News.
- 8) Internet.

.....

PAITE GRAMMAR & COMPOSITION (For Class IX & X) (A Critique on the Paite Literature)

-L. Khupsonlian Ngaihte
(ngaihteson@gmail.com)

Dr. Tualchin Neihzial, published by Paite Literature Society (PLS), Lamka, Manipur, 2015. 159pp. IND ₹100/-

-(Sutzopna)-

VIII. NG, PH, TH& PH

I pau a chituamna mahmah lah hi, i unau nam dangte toh kibatna i neih ahiehleh “KH, TH, PH, NG” ahi hi. English-te’n bel ‘SH’ leng nei ua, ei pau ah kizatna omkha lou hi. Hiai thumalte pen consonant nih kigawm a ging-

dan tuamkhat a kibawlkhia ahi hi. Huai ziak in, laimal a telsak lou in, simdan siamzaw lehang hoih ding hi.

KH = kha; TH = tha; PH = pha; NG = eng

Hiai thu ah, mi khenkhat in, “NG” ziak inn’on pompoh kei ding uh chih ka thei. Huai kawmkal a theihtuak khat bel English-te’n leng NG, SH, PH, TH leh CH chihte a alphabet uah telsak lou uh ahi. Himahleh “phonemes” ahiehman una gindantuam vilvel hut nei uh ahi chih itheih poimoh hi.

IX. AW, O & OU

AW, O leh OU” kibatlohna genzek

ka ut hi. Hiai a “O” pen laimal ahi chih i thei chiat hi. Avuak a iloh-chiang in /əʊ/ (ou) in ging mah leh, thumal (word) sung a hong paichiang in AW tomgin /ɒ/ (IPA a AW tomgin chiamtehna ahi) in ging hi.

Etsakna ah: ak bawm (a koihna); ak khebom (a khe)

Himahleh ‘OU’ pen diphthongs ahiehman in, vowel nih aw gindan khat in hong ging hi. I gensa mah bang in ‘O’ pen a laimal hi a, avuak in /əʊ/ gin in gingmah leh thumal/kammal a izatchiang in /ɒ/ a ging ahi chih igensa ahi. Himahleh thumal/kammal sung a /əʊ/ (ou) ginsakna dite ah diphthongs “OU” izat kul hi.

Etsakna ah: kou, nou, bou.

Thumal ah ‘O’ pen ‘OU’ ging a na ginsak leh hong dik hetlou ding ahi. Huaiziak in, thumal sung ah “O” pen “aw tomgin” a hong ging ahi. Hiai a hongah “O” pen /houng/ a na ginsak leh gennei kha mahmah lou ahi chih ithei chiat a, /hawng/ ah gingsak lehang lah agennop hong tuam zel hi.

Huai ban ah, Paite’ pua ‘Declension’om ahi chih i theih poimoh hi(pp 60). Declension ichih Chiang in, thuvual (sentence) sung ah thumal (word) khat a omna mun zil a gendan leh athumal kikheng/ kibanglou/tuam chihna ahi hi.

Etsakna ah: bia = be; khen=khet; khiak=khiat; vua=vo

Hon vua pen gen in, ken ka va vo ding.

Huchi ahihman in, Zomi ah leng Zou pen declension hong om ahi hi. Hiai a ‘zou’ bel ‘singtang gam a, sing-

kung tampi leh lianpi khawng omna – ei pau a zou/nong ichih – lak a teeng mite i hihman a ZOU+MI =ZOUMI kichi ihi hi. Himahleh, hiai a declension om lam thei [nuam]lou tampi i omziak ua, Zomi/Zogam pen /zɔmi:/dik salou in Zoumi/Zougam /zəumi:/ (zoumi/ -gam) sese a gelh itam hi. Declension peu-hmah anih in agennop kibanga, himahleh agindan/gendan kilawmzaw leh dikzaw om chihmanthu hilel hi.

Himahleh, TOUPAah declension omlou ahihman TOPA pen diklou zel ding ahi. Ei pau ah “Tou” in alianpen, asangpen, a thilhih theipen genahihman in. I gensa mah bang in, hiai a “O” pen “OU” a ging theilou ahi chih i theih ngai ahi. Huai mah bang in, SIANG leng declension om ahihman in PASIAN na chih leh dik hi.

X. LAISIANGTHOU (BIBLE)

Ei [Singtang] mite pen Khristian i tam ua, za a za (100%) bang leng Khristian i kichi [nuam] ta uhi. Huai ahihman in, i sahkua a poimoh mahmah

“Laisiangthou (Bible)” tuhinn chih in i neichiat ding uhi. Laibu dang simkha kholkei lehang leng “Laisiangthou” i sim [tamzaw] kha ding hi. Huaiziak in, “Laisiangthou” pen i Laipau (Literature) hoihipen hong suak hi. Huchi a Laipau kizilna leh theihna behlapna dia hoihipen ahilhai in, i Laisiangthoute ah Laipau kizui khalou hong bang maimah hi. Gelhkhop di leh gelhkhop louh dingte leng kizui lou in ut dandan a kigelh bang hi.

“Laisiangthou” a laipau paidan i gelhkhelh tangpita ahihleh:

i. “Ei [Paite] pau ah ‘ki’ ahihleh mabelh (prefix) a izatchiang in thumal dang toh gelhkhop teitei diing” chih himahleh “ki” vuak hong ding leulou in avuak a hong dinna thumal tampi om hi. “Ki vuak” chi a igelh Chiang in, reflexive pronoun suak lou in, “ki” pen vuak (alone) dan in kigenkha in English a ‘horn’ hong suakdaih hi.

ii. “Ei [Paite] pau ah ‘te’ ahihleh ‘khat

sang a tamzaw chiamtehna’ a aki-zat ban ah ‘collective marker’ a kizang ahihman in thumal dang toh gelhkhop teitei diing” chih himahleh “te” vuak hong din leuhlouhna tam petmah zel hi. Hiai zatdan a tung a igente ah chet theih ding hi. (V-na ah)

iii. “in, ah & un” pen Nungkoih (Postposition) ahihman un ama a thumal pen toh gelhkhop louh ding ahi; nungbelh hilou a nungkoih ahihman in. Huai bak ah, Nungkoih peuhmah aw khat kia (one syllable) nei ahih nak leh tuam dinsak ding ahi (Neihisial, 2015). Himahleh i “Laisiangthou” ah kigelhkhawm mun mahmah hi.

Etsakna: Toupain (Toupa in), Jesu-in (Jesu in), Hongun (hong un), tunah (tun ah), adangdang. Huchi a igelhkhop nuam leh bel apostrophe (neitu chiamtehna) zang in hichi’n kigelh thei hi.

Etsakna: Toupa’n (Toupan diklou ahi), Jesu’n (Jesun diklou ahi), tu’ah.(tun ah).

iv. “Va, Hon leh Hong” chihte pen verb Panpihtu (auxilliary verb) hitangpi ahihman un thumal dang (adiak a verb) toh dingkhawm sak louh ding ahi. Himahleh i “Laisiangthou” ah thumal/kammal dang toh dingkhawm mun mahmah uhi.

Etsakna: hongun (hong un ding), hongpai (hong pai ding), vahoh (va hoh ding), vachi (va chi ding), honpi* (hon pi ding)

*honpi i chih chiang in plural number tapi genna hi a, himahleh honpi pen sappau a Guide(d) chihna ahi.

v. “A & I” leng Lai-aw (vowel) hi ua; pronoun, case leh postposition in leng kizang hi. Huai ban ah, mabelh (prefix) a leng zatna om mahleh nungbelh (suffix) in bel kizangkha lou hi. Himahleh i “Laisiangthou” uah [adiak in “A”] thumal nung ah kigelh mun mahmah hi. “dinga, hong paia” chih ah “a” pen gelhmat louh a gelhtuam ding ahi.

vi. “in, un, ua, un, uah, uai, oi, ei, ni”

chihte particle in kizang thei ua, huchih hun a tuamgelh teitei diing ahi.

Etsakna: hong pai in (un), Toupa kiang ah kik nawn ni.

vii. “toh” bang leng zopna (conjunction) hitangpi hi. Huaiziak a gelhtuam ding ahi. Himahleh i “Laisiangthou” uah thumal dang toh kigelhkhawm mun mahmah hi.

I gentaaksa mah bang in i “Laisiangthou” pen i laipau (literature) theihna ding leh kisinna dia hoih penpen ahi hi. Huaiziak in, i “Laisiangthou” pen puahpha le, i laipau leng puah i hipah ding hi. Saptuam tuamtuam i om ua, huaite’n “Laisiangthou” hi in “Labu” hita leh i sutthak ding chiang un i Paite Laipau Saipawlte (PLS) toh kithuzak in ahoih theipen in bawl le’ng duhthu i sam hi. I Laipau ipuahphat chiang in inam khangkaang theipan [sem] ding hi hang! Hun paisa a laigelh omsate bel tuhun a etkik leh suizui in om uhi. Huaite tuhun a kingakna dia kizang ahihman bang un, hun hong pai ding ah leng i “Laisiangthou” pen Lit-

erature suizuina leh kingakna dia panmun poimoh pen hon luah ding ahi chih i mangngilh louh ka gingta hi.

THUKHITNA:

Midang pau i koppih mawk pen in masawna hon tunlou in, pau thelthatna hon tun zaw hi. Ei laipau puahphat zawk pen bel i laipau khanna hi a, i laipau khanna pen tuh i nam khanna hong hi zaw hi. Huaiziak in, ‘koppih’ kammal i zatchiang in ei a omkha lou ahih lam phawk in – namdang paute ei laipau khanna ding in la mah ni – eimah [Paite] pau mah puahpha in bawlthak zelzel zaw ni. Huchi a [Laipau] ibawlthak pen i “Laisiangthou” ah zang ngal in, i Laisiangthou mah leng bawlpha toutou leng hoih [petmah] ding hi. A thu kheng ding chi hizaw lou in, a gelhdan (literature) pen enkai ni chizaw ihi.

I hauhsakna di’n mikhat aa di teng ei angsung/gilpi a guanglut in, amau gawlmek a sukzawn ngaise lou ahi. Huai mah bang in, namkhat khanna

[kigawmna] ding gelna a namkhat nawmvalh hiam kibatsak [teitei] ngai-tuan hetlou hi. Gangte, Hmar, Mizo, Simte, Teddim-Chin, Thadou-Kuki, Vaiphei leh Zoute pen unau kichi mah lehang, unau leng kibatlouhna nei ihi uh. I paudan hong tuamta a, i paudan leng atuam zeuhzeuhna hong omta hi. Unau inn tuankhin bang lel hita hang! Huaiziak in, Gangte-te pen Hmar hithei nonlou ding ua, Simte-te leng Zou hithei nonlou ding uhi. Huai mah bang in, Teddim-Chinte leng Paite hi theilou ding uhi. Hiai teng hon kaikhawmtu bel Kuki hia Mizo, ahihkei leh Zomi hiam hithei zaw hi. Paite minam tuam hi a, nam dangte leng tuam ahi. A kibang loupki kibatsak sawmzaw lou in, i tuamna pen kipompoh chiat zaw le’ng hoihzaw ding hi. Tua hileh “Ai hon tuun khawm” bang lou a ikhantouh khawm ngei i lamet ahi hi.

I Toupa Pathian phawk kawm a, khalam chauh hilou a salam a leng i khantouh ngei lametna lianpi tak nei ing!

©Lamka-31032020

Reports:

SIAMSIN HOSTEL IN MASAWN ZEL:

Ingaklah mah mah Aizawl muna i Siamsin Hostel in pichin lam manawhin masawn zel a, lamet banga a pai leh 2020/2021 sung ngeia Hostel i neih theih lamet a hi. Tulai COVID-19 in mun teng a hih buai ziakin a hun di bel gen chiang theih loh hi.

Hiai banga masawna i muh theih nanga a bang tenga ma on laksak, a zahtak huai Pu L. Thangmawia, MLA, 21-Lengteng Constituency kiangah kipahtu i gen a. Aman a sun a zan, a tuk a khalin i masawna di in lungsim ngaihtuahna, tha leh zung leh sum leh pai tan pha in seng reng a. Hi chi banga Gam leh Nam leh Zirlai makhua ngai Heutu i nei hi hamphat huai peuh mah hi.

Hun sawtpi apan i heutu masa ten a na lamet sek uh, Aizawl mun ngeia Siamsin Hostel hong piching tak tak sin ta a, i theihna lama chiatah a loh-chin nangin pangin thumna ah phok chiat diin SSPP Members te i ki ngen a hi.

Sinin, Semin, Zuunin.

Rodinglian,
General Secretary,
SSPP Headquarters, Aizawl

Current Affairs:

Multiple Choice Questions (MCQ-7):

1. Rick Machar swears in as first Vice President of which country?

- a) Mangolia
- b) Amen
- c) South Sudan
- d) Algeria

2. Which of the following country hosted G20 finance ministers and central bank governors meeting 2020?

- a) Russia

- b) Saudi Arabia
- c) Britain
- d) France

3. When is the first anniversary of the iconic National War Memorial (NWM) observed?

- a) 19 February
- b) 23 February
- c) 25 February
- d) 27 February

4. **“PM KISAN” mobile application launched by whom?**

- a) Rajnath Singh
- b) Nirmala Sitharaman
- c) Narendra Singh Tomar
- d) Subrahmanyam Jaishankar

5. **Who has been appointed as MD and CEO of Dhanlaxmi Bank?**

- a) Rakesh Sharma
- b) S.Jeyakumar
- c) Sunil Garbaxani
- d) Sunil Mehta

6. **Where is Sabarmati Ashram located?**

- a) Maharashtra
- b) Gujarat
- c) Madhya Pradesh
- d) Bihar

7. **Who received the SERB Women Excellence Award 2020?**

- a) Anusha Devi
- b) Niti Kumar
- c) Keerthi Verma
- d) Rita Banarjee

8. **Who is the Chief Minister of Haryana?**

- a) Kamal Nath
- b) Naveen Patnaik
- c) Nitish Kumar
- d) Manohar Lal

9. **Who is the Governor of Odisha?**

- a) Kalraj Mishra
- b) Anandiben Patel
- c) N. Ravi
- d) Ganeshi Lal

10. **Which state/Union Territory was host to the ‘National Organic Food Festival’, held recently?**

- a) Assam
- b) Maharashtra
- c) New Delhi
- d) Punjab

11. **Who is the present minority affairs minister?**

- a) Mukhtar Abbas Naqvi
- b) Ravi Shankar Prasad
- c) Dharmendra Pradhan
- d) Narendra Singh Tomar

12. **When was the PM-KISAN scheme launched?**

- a) 18 June 2017
- b) 31 February 2018
- c) 07 January 2019
- d) 24 February 2019

13. **Who along with Amarjeet Sinha has been appointed as Advisors to PM?**

- a) Vivek Kumar
- b) Bhasker Khulbe
- c) Tarun Bajaj
- d) PK Sinha

14. **Which of the following state government launched ‘Jagananna**

Vasthi Deevana' scheme for students?

- a) Karnataka
- b) Kerala
- c) Andhra Pradesh
- d) Telangana

15. Ashok Chatterjee passes away recently. He belongs to which field?

- a) Sports
- b) Cinema
- c) Journalist
- d) Writer

16. Where does Ranthambhore National Park locate at?

- a) Punjab
- b) Gujarat
- c) Rajasthan
- d) West Bengal

17. Where is the headquarters of BRICS located at?

- a) Shanghai, China
- b) Manila, Philippines
- c) Rome, Italy
- d) Paris, France

18. The Kaziranga wild life sanctuary is located at

- a) Uttar Pradesh
- b) Sikkim
- c) Assam
- d) Gujarat

19. Srisailem dam on Krishna river is located in which state?

- a) Kerala
- b) Tamil Nadu
- c) Andhra Pradesh
- d) Telangana

20. What is the capital of Vanuatu?

- a) Algiers
- b) Port Villa
- c) Ottawa
- d) Canberra

Answer (MCQ-7)

- 1. c) South Sudan
- 2. b) Saudi Arabia
- 3. c) 25 February
- 4. c) Narendra Singh Tomar
- 5. c) Sunil Garbaxani
- 6. b) Gujarat
- 7. b) Niti Kumar
- 8. d) Manohar Lal
- 9. d) Ganeshi Lal
- 10. c) New Delhi
- 11. a) Mukhtar Abbas Naqvi
- 12. d) 24 February 2019
- 13. b) Bhasker Khulbe
- 14. c) Andhra Pradesh
- 15. a) Sports
- 16. c) Rajasthan
- 17. a) Shanghai, China
- 18. c) Assam
- 19. c) Andhra Pradesh
- 20. b) Port Villa

If undelivered, please return to

The Editor
SIAMSIN JOURNAL
SSPP Complex, Siloam Veng, Bungmual
Lamka, Churachandpur, Manipur, India
PIN 795006

